



Sindikata Uprave za indirektno/neizravno oporezivanje

Синдикат Управе за индиректно опорезивање

15-10-2021

Broj: 87 / 3 – 10 / 21

Sarajevo, 15.10.2021.godine

KABINET DIREKTORA UINO

N/r Direktora

PREDMET: Službena odijela uposlenih, postupanje, traži se.-

Poštovani gospodine direktore,

obaveza nošenja službenog odijela za uposlene u Upravi za indirektno oporezivanje utvrđena je Pravilnikom o službenom odijelu uposlenih u Upravi za indirektno oporezivanje („Službeni glasnik BiH“, broj 54/07, 4/12), (u daljnjem tekstu: Pravilnik), a u istom se propisuje i vrsta službenog odijela, dijelovi, kroj, boja, oznake, način korištenja službenog odijela, vrijeme trajanja pojedinih dijelova, kao i obaveza vraćanja i evidencija o službenom odijelu. Pravilnik je stupio na snagu osmog dana od dana objavljivanja u „Službenom glasniku BiH“, odnosno od 25.07.2007. godine.

Sa terena stižu u kontinuitetu brojne primjedbe na primjenu ovog Pravilnika, na kvalitet službenih odijela, na kroj odijela, na vrijeme trajanja i zamjene pojedinih dijelova, kao i na vrstu službenog odijela. Obzirom na opis poslova carinskih službenika koji rade u operativi, poreskih inspektora i službenika za provedbu propisa, **trenutni izgled, kvalitet i dizajn uniforme je postao neadekvatan i prevaziđen**, a takođe dosta je različit od uniformi zemalja okruženja i EU. Posebno za primjer sa terena se navode šapke koje skoro da nije moguće zadržati na glavi i hlače na peglu, zatim sakoe koji nakon nekoliko detaljnih pregleda kamionskih pošiljki, te provedenih nekoliko dana u smjeni od 12 sati nisu više iste, zatim nekvalitetan materijal bijelih košulja, greške kod šivenja, kroja i dr.

Nakon brojnih primjedbi, zahtjeva i poziva sa terena za odgovarajućim izmjenama vrste, kvaliteta i kroja službenih odijela, Radna grupa Sindikata UINO dostavila je Prijedlog radnom tijelu UINO za izradu novog Pravilnika o službenom odijelu, posredstvom Ratka Kovačevića, a **kako nemamo saznanja šta se u konkretnom slučaju događa u smislu izmjene važećeg Pravilnika o službenom odijelu uposlenih u Upravi za indirektno oporezivanje, molimo da nas o istom što prije informišete.**



PREDSJEDNICA SINDIKATA

Ana Mrnjavac